

Namminersornerullutik Oqartussat nalunaarutaat aalisariutit ilisarnaateqarnissaannut tunngasoq

Inuutissarsiutigalugu aalisarneq pillugu inatsisartut irtatsisaat nr. 11 21. november 1984-imeersumi §§ 17 imm. 1 aamma §§ 23-imi imm. 2 naapertorlugu aalajangerneqarpoq:

§ 1. Nalunaarummi pineqarput kalaallit aalisariutaat aalisarsinnaanermut akuersissuteqartut.

§ 2. Angallatit tamarmik radiokkut attaveqarfigineqartarnerminni ilisarnaatertik nunarsuarmut tamarmut atuuttoq nalunaaqutsiussimassavaat qaqortumik tunngavilerlugu qernertumik qalipallugu.

Imm. 2. Nalunaaqutsiussaq angallatip saneraaniissaaq illuttut allagartanngorlugu, sapinngisamillu qutissumiitinneqassapput, soorlu aquttarfiup imaluunniit qummut uigunerata saneraaniissallutik.

§ 3. Angallatini angissutsimut uppersaataat malillugu 80 BRT/BT 80-usuni imaluurtniit taakkunannga anginerusuni ilisarnaatit ataasiakkaat allaneri minnerpaamik 100 cm-isut portutigissapput 15 cm-inik silissuseqassallutik.

Imm. 2. Angallatinilu angissutsimut uppersaataat malillugu 80 BRT/BT 80-inik mikinerusuni ilisarnaatit ataasiakkaat allaneri minnerpaamik 50-cm-isut portutigissapput 8 cm-inillu silissuseqassallutik.

Imm. 3. Angallatit angissusii nalunaarummi nalunaarsorneqarsimapput folketingip inatsisaani nr. 203-mi 18. maj 1977-imeersumi umiarsuarnik uuttuisarnermut tunngasumi aamma maleruagassat siusinnerusukkut atuuttut malillugit. Angallatip angissutsimut uppersaataani aalajangiisuusarpoq angallammut pineqartumut nalunaarummi usitussutsimut killigititap sorliup atorineqarsimanera aallaavigalugu.

§ 4. Nalunaaqutsiussat tamatigut erseqqissuussapput ajornakusoornanngitsumillu atuarneqarsinnaassallutik.

§ 5. §§ 2, 3 aamma 4-mik unioqqutitsisoq pillaatissinneqassaaq akiliisitaanermik. Unioqqutitsinerlu kinguneqarsinnaavoq akuersissummik arsaagaanermik.

Imm. 2. Unioqqutitsisimasooq aktieselskabimit, andelselskabimit assigisaannilluunniit pigineqarpat, aalisarnermut inatsimmi § 23, imm. 3 malillugu selskabit akiliinissamut akisussaatinrteqarsinnaapput.

Imm. 3. Nalunaarummik unioqqutitsisut suliarineqarneri suliarineqartassapput aalisarnermi inatsisip maleruagassai tunngavigalugit.

§ 6. Nalunaarut atuutilissaaq 1. juni 1988-imiit.

Moses Olsen

/

Einar Lemche

NAQQIUT

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut